

古文淵鑒卷第五十目錄

宋

曾鞏

勸學詔

勸農詔

正長各舉屬官詔

賜高麗詔

賈昌衡知鄧州制

王制

又

相制

又

尚書左右丞制

吏部尚書制

戶部尚書制

秘書監制

將軍制

熙寧轉對疏

自福州召判太常寺上殿劄子

移滄州過闕上殿劄子

救災議

寄歐陽舍人書

福州上執政書

新序目錄序

列女傳目錄序

南齊書目錄序

梁書目錄序

禮閣新儀目錄序

范貫之奏議集序

先大夫集後序

送丁琰序

寄胡則舍人書

送災箱

蘇軾與歐陽文忠公書

蘇軾與歐陽文忠公書

古文淵鑒卷第五十二

御選

內閣學士兼禮部侍郎教習庶吉士臣徐乾學等奉

旨編注

宋

曾鞏

字子固建昌軍南豐人嘉祐二年進士歷官至中書舍人鞏生於末俗之中絕學之

後其於剖析微言闡明疑義卓然自得發六藝之蘊正百家之繆爲文章上下馳騁一復於雅與歐陽修齊名爲學者所宗

勸學詔

風勵庠序詞令
茂爾雅

朕惟先王興庠序以風四方。所以使學士大夫明其
心也。夫心無蔽。故施之於已。則身治而家齊。推之於
人。則官修而政舉。其流及遠。則化民成俗。常必繇之
古。之所以長人材厚人倫者。本是而已。朕甚慕之。故
設學校。重學官之選。而厚其祿。凡欲以誘誨學者。庶
幾于古也。而在位者。無任職之心。承業者。無慕善之
志。至於師生相冒。挾賂爲姦。囂訟囂然。駭于衆聽。而
況欲倡率訓導。洽于禮義。磨礱陶冶。積於人心。使方
聞修潔之士。克於朝廷。孝悌忠篤之風。行於鄉邑。其

臣熙曰建立學校所以成就人才宏廣治化詔辭訓勵詳明足令士風興起意味雋永可思

可得乎朕甚憫焉故更制博士而講求所以訓厲之方定著於令以爲學制于樂育天下之材而庶幾先王之治者可謂至矣自今有敦行誼謹名節肅政教出入無悖明于經術者有司其以次升之使聞于朕將考擇而用之以勸于爾衆士有偷懦怠惰不循于教學不通明者博士吾所屬也其申之以誘導使其能有易於志而卒歸於善固吾之所受也予旣明立學之教具爲科條其於學者有獎進退黜之格以昭勸戒至於學官其能明於教率而詳於考察有得人

之稱則待以信賞。若訓授無方而取舍失實，亦將論其罰焉。明以告爾。朕言不欺，尚其懋哉。無詒爾悔。

勸農詔

夫農衣食之所由出也。生民之業莫重焉。一夫之力所耕百畝，養生送死與夫出賦稅給公上者，皆取具焉。不幸水旱螟螣之菑，往往而有，可謂勞且艱矣。從政者知其如此，故不違其時，不奪其力，以使之明時。因析以授之，差池腴瘠以處之。春省耕，秋省斂，以助之。詩曰：「饁彼南畝，田峻至喜。」言上所以勞之也。又曰：

臣廷敬曰古雅
之色和厚之音
蓋原本幽詩而
韻頗漢節者也

駿發爾私。終三十里。言上所以勸之也。其獎厲成就
之者如此。朕自承天序。內重司農之官。外設勸農之
使。爲之弛力役。均地征。修水利。或一雨愆期。則憂見
於色。或一穀不成。則爲加惻怛。有復除之科。有賑恤
之令。夙夜孜孜。焦心勞思者。凡以爲農也。今耕者衆
矣。而尚有未勉。墾田廣矣。而尚有未闢。豈拊循勸率
有所未備歟。抑吏怠而忽。不能宣究歟。有司其於農
桑之務。益思所以除害興利。詔令已具者。無或壅闕。
所未盡者。勿憚以聞。要使緣南畝之民。舉忻忻然樂。

職安業洽於富足稱朕意焉

正長各舉屬官詔

蓋聞堯之治曰百姓昭明舜之治曰四門穆穆然則
當是之時在位皆君子其是非不惑可知也故堯欲
釐百工舜欲熙帝載求可任者皆訪諸四岳因四岳
以命禹又因禹以命稷契臯陶因羣臣之僉曰以命
垂益伯夷因伯夷以命夔龍其審官用賢不自任其
聰明而稽之于衆如此然存於書二帝所命者義和
九官十二牧皆官之正長也至于屬官則未有二帝

此詔泰酌古今之
正而後舉
表率之地
良重矣

臣乾學曰拈出
司命慎簡乃僚
一語作根柢覺
後世自辟掾屬
最為近古馬端
臨所謂苟失其
人非但累衡鑒
之明抑且失倚
毗之助也文特
變古與之體為
開明別是一格

嘗命之者其遺法之可考則周穆王命伯景為太僕
正戒之曰慎簡乃僚無以巧言令色便辟側媚其惟
吉士則自擇其官之屬者官之正長之事此先王之
成法也漢魏以來公府郡國亦皆自辟其屬而唐陸
贄請使臺省長官自擇僚屬蓋上下之體相承如此
以周天下之務此古今之通理也今朕董正治官始
自三省至于百工皆正其名夫使在位皆君子而是
非不惑此朕素所以厲士大夫也故凡官之長貳朕
既考擇而任之尚書政本也自郎已下用吏甚衆其

令僕射左右丞尚書侍郎各於其所部員有未備皆
舉二人以聞朕將擇而用之其未用者亦識其名以
待用朕稽于古以正百官稽于衆以求天下之士其
勤可謂至矣惟官之長貳之臣皆朕所屬以共成天
下之治其尚體朕意所舉惟公以應朕之求所陳惟
實以嚴朕之詔其得材失士有司其各以等差具爲
賞罰之格朕將舉而行之賞吾不吝罰亦無捨非獨
搜揚幽滯庶幾爲官得人亦將以觀吾大臣之能使
朕得與衆士大夫合志同心以進天下之材作則垂

溫潤特至

法行之于今以詒後世追于先王之成憲無令唐虞
有固專美于古不其美歟咨爾庶位其諭朕意一作懷

賜高麗詔

蓋聞在昔夏后分天下爲五服地有遠近故治有詳
略而聲教之盛東漸于海朕甚慕之顧德不明何以
逮此而爾東國之君欵誠內附數遣使者乘不測之
川獻其方貢惟爾之義朕實寵加宜有異恩以稱勤
恪而爾比緣養痾以醫爲請熙寧七年高麗主王徽表求醫藥畫塑之工詔
羅拯募願行者元豐元年遣左諫議大夫陳睦往聘
徽已病僅能拜命更乞醫藥二年遣王舜封挾醫往



以召父杜母為之
勸用意良厚

診眷然東顧朕豫憂之是用擇遣方技之官具舟以
往爾惠彼一方神明相祚藥劑所補以時康寧達于
予聞欣慶方屬而遽馳僚從來致謝章覽以慰懷獎
勸良厚爾乃自祖以來保乂彼土其尚頤精神強飲
食格于眉壽以均福于有衆使爾有世濟其美之功
而朕豫聲教及遠之休其始自今永孚于好

賈昌衡知鄧州制

字子平第進士歷諸路轉運使神宗召為戶部副使

加集賢殿修

撰并河南府

記舊俗者稱南陽之民夸奢上氣力難制御今其餘

策典之文此為正則

習始尚有存者故有邦之任朕不輕以屬人具官某
中外踐更令聞惟舊茲用考擇往分彼土蓋穰穰之
間雖俗雜難治然教民敦本興於好善召信臣杜詩
之遺跡在焉使農桑勸而風俗厚爾尚思繼于前人
其往懋哉無替朕命

王制

昔周建親戚蓋五十三國以蕃輔京師漢封骨肉或
連數十城以丞衛天子所以強形勢固根本計慮深
矣朕甚慕焉矧先帝之子朕之仲弟宜膺顯冊

英宗四子



長神宗次吳榮王顥次潤王顏次端獻王頤仲進啓
弟當是吳榮王顥神宗朝進封昌王徙封雍
大邦茲惟典常夫豈敢廢某淵靜冲約孝友忠篤不
挾其貴以從匪彝不恃朕恩以作匪德奉法遵職夙
夜小心王干雍邦茲久彌郤惟營丘之野臨淄之中
太師呂尚之所建國兼岱及海天下重地是用立爾
保茲東土二公之儀上將之節爰田真食備物寵章
大告于廷咸以屬爾於戲書稱帝堯之德曰以親九
族詩美文王之聖曰刑于兄弟蓋教目上行愛繇親
始先王之道不易之理也今予命爾不違茲誼尚悉